

et le feu a este loquemet quil ne demouroit qung iour aucune vapeur pource dit salomon. En ton ancien ennemy ne te fies nul temps ⁊ encoires sil est recõseillez ⁊ se humblemēt encline la teste deuant toy ne le croys car il le fait plus pour son prouffit que pour lamour de toy a la fin quil puisse hauoir victoire d toy en soy humiliāt et en toy fuyant laquelle il ne peut hauoir en toy psegant Et pierres alfinises dit. Ne tacompaigne point a tes anciens ennemis car ce que tu feras de bien ilz le puertiront ou le amenuyseront. Apres tu dois fuyr le conseil de ceulx qui te seruent ⁊ te portent reuerēce plus par doubtance que pour amour car vng philosophe dit. Nul nest biē loyal a celuy q il trop doubte. Et tulle dit. Nulle puissance dempire nest si grant quelle puisse durer loquement se elle na plus lamour du peuple que la paour. Apres tu dois fuyr le conseil de ceulx qui sont souuēt yures car ilz ne sceuēt riēs celer. Et salomon dit. Nul secret nest la ou regne yuresse. Apres tu dois hauoir en suspect le cõseil d ceulx qui cõseillent vne chose en secret ⁊ dient entre eulx a part car cassidozes dit. Une maniere de greuer son amy est mōstrer en appert ce dõt lon veult le contraire. Apres tu dois hauoir en suspect le cõseil des mauuais hommes car il est escript. Les cõsaulx des mauuais sont tousiours plains de fraude. Et dauid dit. Biē eureux est ly homs qui a fuy le cõseil des mauuais. Apres tu dois fuyr le cõseil des iennes gēs car le sens des iēnes gēs nest pas encoires meur. Et salomon dit. Doulente la terre qui a enfant a seigneur de laquelle prince se degeune matin.

Dois que ie tay monstre a qui tu dois prendre conseil et lequel conseil tu dois eschiuer ⁊ fuyr ie te vueil aprendre cõment tu dois cõseil examiner. Et examines doncqs tō cõseil selō ce q tules enseigne. Tu dois cõsiderer plusieurs choses. Premieremēt tu dois cõsiderer q en ce que tu pposes ⁊ sur quoy tu veulx hauoir cõseil pure verite soit gardee ⁊ dicte car lō ne peut biē conseiller a celuy qui ne dit verite. Apres tu dois cõsiderer toutes les choses qui sacordent a ce que tu pposes faire selon ton conseil se rayson si accorde se ta puissance si accorde se plusieurs et meilleurs si accordent que discordent. Apres tu dois cõsiderer au cõseil ce q sensuyt ce est hayne ou amour paix ou guerre prouffit ou dommage et aussi de moult daultres choses et en toutes ces choses tu dois tousiours eslire ce qui est a ton prouffit et nō ce qui est a tō dōmage et toutes aultres choses refusees ⁊ abatues. Et apres tu dois cõsiderer de quelle racine est engendree la matiere de ton conseil ⁊ quel fruit